
CYD-BWYLLGOR CORFFOREDIG Y GOGLEDD

23 Ionawr 2026

TEITL: Is-bwyllgor Trafnidiaeth Strategol – Cylch Gorchwyl a hunanasesiad

AWDUR: I'w gyflwyno gan Gadeirydd yr Is-bwyllgor Trafnidiaeth Strategol

1. PWRPAS YR ADRODDIAD

- 1.1. Ystyried argymhellion yr Is-bwyllgor Trafnidiaeth Strategol mewn perthynas â diwygiadau i'w Gylch Gorchwyl ac adborth ar ei hunanasesiad blynyddol

2. Y PENDERFYNIAD A GEISIR

- 2.1. Cymeradwyo'r newidiadau a ganlyn i Gylch Gorchwyl yr Is-bwyllgor Trafnidiaeth Strategol:
- Bod y gofyn i gynhyrchu adroddiad cynnydd chwarterol yn cael ei ddisodli gan adroddiadau bob chwe mis.
 - Bod gan yr is-bwyllgor y pŵer dirprwyedig i ystyried a gwneud argymhellion i'r CBC ar gyllid trafndiaeth rhanbarthol ac ymrwymadau cynlluniau.
- 2.2. Nodi'r adborth o holiadur hunanasesu'r is-bwyllgor.

3. Y RHESWM DROS Y PENDERFYNIAD

- 3.1. Bydd yr is-bwyllgor yn adolygu ei Gylch Gorchwyl yn flynyddol a gall argymhell unrhyw ddiwygiadau i'r CBC. Rhaid i unrhyw ddiwygiad i'r telerau hyn gael eu cymeradwyo gan y CBC. Rhaid i'r Is-bwyllgor weithredu'r rheolau a'r gweithdrefnau hynny fel y'u cymeradwyir gan y CBC ac a nodir yn y Cylch Gorchwyl – y rhain yw'r pwerau sy'n cael eu dirprwyo i'r Is-bwyllgor.
- 3.2. Mae'r Cylch Gorchwyl hefyd yn ei gwneud yn ofynnol i'r is-bwyllgor gynnal hunanasesiad blynyddol o'i weithgareddau. Fel rhan o'r asesiad bydd yn ystyried a yw'n derbyn cefnogaeth ddigonol a phriodol i gyflawni ei rôl ac a yw ei gynllun gwaith blynyddol yn hylaw ai peidio.

4. CEFNDIR AC YSTYRIAETHAU PERTHNASOL

- 4.1. Cymeradwyodd y CBC sefydlu'r Is-bwyllgor Trafnidiaeth Strategol a'i aelodaeth, gan gynnwys hawliau pleidleisio, i gyflawni'r swyddogaeth o ddatblygu a chynhyrchu Cynllun Trafnidiaeth Rhanbarthol a pholisïau cysylltiedig ar gyfer y CBC. Er mai tasg i'r Is-bwyllgor ei gwneud yw datblygu polisïau trafndiaeth, cedwir y pŵer cymeradwyo neu adolygu i'r CBC.
- 4.2. Mae'r manylion a gyflwynir gerbron yr is-bwyllgor wedi'u nodi yn yr adroddiad yn Atodiad 1. Mae'r swyddogaethau a nodir yn y paragraff dan y pennawd 'Rôl' yn y Cylch Gorchwyl yn cael

eu dirprwyo i'r Is-bwyllgor o'r CBC. Cefnogodd yr is-bwyllgor yn unfrydol y newidiadau i'r Cylch Gorchwyl i argymhell adrodd bob chwe mis fel proses fwy cynaliadwy ar gyfer adrodd ar berfformiad a chynnydd, ac i gynnwys y pŵer i wneud argymhellion i'r CBC ar gyllid, a rhaglenni arfaethedig i'w hariannu.

- 4.3 Mae'r hunanasesiad blynyddol (mae'r adroddiad yn Atodiad 2) wedi'i gynnal fel holiadur sy'n edrych ar waith yr is-bwyllgor yn ei gyfanrwydd – gan gynnwys a yw'r Aelodau'n teimlo eu bod yn cael eu cefnogi o'r adeg y maent yn cael eu cyfethol a thrwy gydol eu gwaith ar yr is-bwyllgor. Mae'r adborth o'r holiadur yn gadarnhaol ac fe wnaeth yr Aelodau nodi eu cefnogaeth a chymeradwyo'r canfyddiadau.

5. GOBLYGIADAU ARIANNOL

- 5.1. Nid oes unrhyw oblygiadau ariannol yn deillio o'r adroddiad hwn.

6. GOBLYGIADAU CYFREITHIOL

- 6.1. Rhoddir sylw i'r goblygiadau cyfreithiol a llywodraethu yng nghorff yr adroddiad.

ATODIADAU:

Atodiad 1: Adroddiad i'r Is-bwyllgor Trafnidiaeth Strategol – Cylch Gorchwyl.

Atodiad 2: Adroddiad i'r Is-bwyllgor Trafnidiaeth Strategol – hunanasesiad.

YMATEB Y SWYDDOGION STATUDOL:

- i. **Swyddog Monitro:**
Dim sylwadau i'w hychwanegu mewn perthynas â phriodoldeb
- ii. **Swyddog Cyllid Statudol:**
Nid oes gennyf unrhyw wrthwynebiadau i'r penderfyniad a geisir.